



JABATAN MUFTI NEGERI PAHANG

TEKS KHUTBAH

Tajuk :

BERHEMAH DI JALAN RAYA

Tarikh:

07 MEI 2021M / 25 RAMADAN 1442H

Disediakan oleh :

Bahagian Rujukan Fatwa

Jabatan Mufti Negeri PAHANG

BERHEMAH DI JALAN RAYA
25 RAMADAN 1442H/7 MEI 2021M

اَلْحَمْدُ لِلّٰهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللّٰهِ مِنْ شُرُورِ أَنْفُسِنَا وَمِنْ سَيِّئَاتِ
أَعْمَالِنَا. مَنْ يَهْدِهِ اللّٰهُ فَلَا مُضِلٌّ لَهُ وَمَنْ يُضْلِلُ فَلَا هَادِي لَهُ.
وَأَشْهُدُ أَنْ لَا إِلٰهَ إِلَّا اللّٰهُ وَحْدَهُ لَا شَرِيكَ لَهُ، وَأَشْهُدُ أَنَّ سَيِّدَنَا مُحَمَّداً عَبْدُهُ
وَرَسُولُهُ. اللّٰهُمَّ صَلِّ وَسِلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ،
فَيَا عِبَادَ اللّٰهِ، إِتَّقُوا اللّٰهَ وَأُوْصِنِّيْكُمْ وَإِيَّايَ بِتَقْوَى اللّٰهِ، فَقَدْ فَازَ الْمُتَّقُونَ.

Marilah kita bersama-sama meningkatkan ketakwaan kepada Allah Subhanahu wa-Taala dengan melaksanakan segala perintah dan meninggalkan segala larangan-Nya. Mudah-mudahan kita diberkati Allah Subhanahu wa-Taala di dunia dan akhirat.

Sidang Jumaat yang dirahmati Allah Subhanahu wa-Ta'ala,

Prinsip Maqasid Syariah dalam aspek memelihara nyawa amat diambil berat dalam Islam. Kita sebagai hamba Allah wajib menjaga dan memelihara nyawa walau di mana kita berada lebih-lebih lagi semasa di jalan raya. Selalu kita dengar berita tentang kemalangan yang menyayat hati disebabkan kecuaian ketika memandu sehingga menyebabkan kecederaan dan kematian.

Firman Allah Subhanahu wa-Taala dalam surah al-Baqarah ayat 195 :

أَعُوذُ بِاللَّهِ مِنَ الشَّيْطَنِ الرَّجِيمِ
وَلَا تُلْقُوا بِأَيْدِيكُمْ إِلَى الْهَلْكَةِ وَأَحْسِنُوا إِنَّ اللَّهَ يُحِبُّ الْمُحْسِنِينَ

١٩٥

Yang bermaksud : “ *Dan janganlah kamu sengaja mencampakkan diri kamu ke dalam bahaya kebinasaan dan berbuat baiklah kerana sesungguhnya Allah menyukai orang yang berbuat baik.* ”

Sidang Jumaat yang dirahmati Allah Subhanahu wa-Ta’ala,

Tidak lama lagi kita akan menyambut Aidilfitri yang mulia, sebahagian besar daripada kita akan pulang berhari raya dengan keluarga masing-masing. Sempena dengan sambutan hari Jabatan Pengangkutan Jalan kali ke-75 yang lalu, kita diingatkan agar sentiasa berhati-hati di jalan raya semoga kita selamat sampai ke destinasi yang dituju.

Marilah kita bersama menghargai nikmat kesihatan, keselamatan dan nyawa yang telah dianugerahkan oleh Allah Subhanahu wa-Taala. Dengan itu, beradab sopanlah ketika memandu di jalan raya dengan mematuhi undang-undang dan peraturan yang ditetapkan.

Janganlah mementingkan diri sendiri ketika menggunakan jalan raya. Hormatilah serta sentiasa bertimbang rasa sewaktu sedang memandu seperti memberi laluan kepada mereka yang memerlukan. Pastikan kenderaan berada dalam keadaan yang baik sebelum memulakan perjalanan dan sentiasa berdoa agar mendapat perlindungan daripada Allah Subhanahu wa-Taala.

Bersabarlah ketika memandu dan jangan bersikap tergopoh gapah serta janganlah memandu secara bahaya yang boleh menyebabkan berlakunya kemalangan. Sabda Rasulullah Sallallahu Alaihi Wasallam dalam hadis riwayat Imam al-Baihaqi :

الْتَّائِي مِنَ اللَّهِ وَالْعَجَلَةُ مِنَ الشَّيْطَانِ

Yang bermaksud: “Ketenangan itu datangnya daripada Allah Subhanahu wa-Taala dan terburu-buru itu datangnya daripada syaitan.”

Firman Allah Subhanahu wa-Taala dalam surah al-Zukhruf ayat 13 hingga 14:

أَعُوذُ بِاللَّهِ مِنَ الشَّيْطَانِ الرَّجِيمِ

لِتَسْتَوُا عَلَىٰ ظُهُورِهِ ثُمَّ تَذَكَّرُوا نِعْمَةً رَّبِّكُمْ إِذَا أَسْتَوَيْتُمْ عَلَيْهِ وَتَقُولُوا سُبْحَانَ الَّذِي

سَخَّرَ لَنَا هَذَا وَمَا كُنَّا لَهُ مُقْرِنِينَ ﴿١٣﴾ وَإِنَّا إِلَىٰ رِبِّنَا لَمُنْقَلِبُونَ

Yang bermaksud: Supaya kamu menaikinya (sebagai kenderaan); kemudian kamu mengingati nikmat Tuhan kamu sebaik sahaja kamu menaikinya, serta kamu (bersyukur dengan) mengucapkan, “Maha Suci Tuhan Yang telah memudahkan kenderaan ini untuk kami, sedangkan kami sebelum itu tidak mampu menguasainya.” Dan sesungguhnya kepada Tuhan kamilah, kami akan kembali!”

بَارَكَ اللَّهُ لِيْ وَلَكُمْ فِي الْقُرْءَانِ الْعَظِيْمِ، وَنَفَعَنِي وَإِيَّاكُمْ بِمَا فِيهِ مِنْ آلَيَاتٍ
وَالذِّكْرُ الْحَكِيمُ، وَتَقَبَّلَ مِنِّي وَمِنْكُمْ تِلَاؤَتُهُ، إِنَّهُ هُوَ السَّمِيعُ الْعَلِيمُ. أَقُولُ

قَوْلٍ هَذَا وَأَسْتَغْفِرُ اللَّهَ الْعَظِيمَ لِنِي وَلَكُمْ، وَلِسَائِرِ الْأُمُّ سَلَمِينَ وَالْأُمُّ سَلَمَاتٍ،
وَالْأُمُّ وَمِنِينَ وَالْأُمُّ وَمِنَاتٍ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.